

欽定石渠寶笈三編

欽定石渠寶笈三編

毓慶宮藏 三

列朝名人書畫

明唐寅歲朝圖

一軸

本朝臣工書畫

成親王書

御製辛巳歲我

太宗大破明師於松山之戰書事

一冊

成親王書

御製賜成親王五十壽辰詩 一卷

綿億畫宜春呈瑞 一軸

陳書花草寫生 一卷

梁詩正臨王羲之楷帖二種 一冊

董邦達畫山水 一冊

于敏中臨宋四家帖 一冊

朱珪自書登泰山詩 一卷

董誥春溪樂意圖 一卷

戴衢亨畫山水 一卷

戴衢亨畫山水 一卷

集錦書畫

沈初周興岱書董誥關槐畫 四冊

[illegible]

明唐寅歲朝圖 一軸

本幅絹本縱三尺九寸三分橫一尺五寸五分設色畫松竹梅堂中一老翁端坐圍爐三嬰兒階前放爆竹自題擁爐團聚慶年華稚子歡呼興不賒雪裏梅開香獨冷一番春信到人家款正德戊辰元日做馬遠筆並題蘇臺唐寅鈐印三吳趙唐伯虎唐寅私印

鑒藏寶璽

五璽 寶笈三編

[illegible]

成親王書

御製辛巳歲我

太宗大破明師於松山之戰書事

一冊

本幅羅紋牋本摺裝十八幅皆縱八寸一分  
橫九寸四分楷書

御製辛巳歲我

太宗大破明師於松山之戰書事

己未歲我

太祖大破明師於薩爾滸之戰實我大清開國鴻猷



事載

實錄人弗易見

皇考特書其事以示子孫臣庶今秋恭詣盛京道經

松山杏山敬憶我

太宗大破明師十三萬擒洪承疇式廓

皇圖永定

帝業謹依

皇考書事

成憲敬述如左 松山毗連錦州明設重兵戍守我

國屢攻不克崇德六年八月丁巳

上聞明洪承疇等集兵援錦州

親統大軍啟行時

上患鼻衄不止因行急承以碗三日甫愈諸王貝勒

請

聖駕徐行臣等當先往

諭曰行軍制勝利在神速朕恐敵聞朕親至將潛遁

如不逃破之甚易朕此時不能奮飛何可徐行於是晝夜遄程策二白馬自盛京疾馳六日抵松山之戚家堡

駐蹕遣大學士剛林學士羅碩往

諭睿郡王多爾袞等先遣各路兵於高橋駐營待駕至合圍松山杏山剛林等還奏多爾袞等聞

聖駕親臨勇氣倍增請

大軍暫駐松山杏山之間

上允之先陳師於松山復於松山杏山間自烏忻河  
南山至海橫截大路駐營並

諭衆以迎擊機宜毋得輕出迎戰是時明領兵總督  
洪承疇巡撫邱民仰兵道張斗姚恭王之楨兵  
部郎中張若麒大同總兵王樸宣府總兵李輔  
明密雲總兵唐通薊州總兵白廣恩玉田總兵  
曹變蛟山海總兵馬科前屯衛總兵王廷臣寧  
遠總兵吳三桂及副將遊擊二百餘員率馬步

兵十三萬於松山城北乳峯山結營其步兵為營七於乳峯山松山城之間其騎兵營於松山  
東西北三面望見

上親率大軍環松山為營大懼合謀欲遁於亥黎明  
明總兵八員率兵犯我前鋒汛我軍擊敗之將  
奔塔山為我前鋒軍及護軍追擊

上復命武英郡王阿濟格貝子博洛內大臣圖爾格  
等追至塔山獲其筆架山積粟留兵守護遂濬

濠斷松山杏山路是夜明諸將皆欲遁撤其步兵七營近松山甲子敵兵犯鑲紅旗汛擊却之師還敵襲我後相距百步

上復令轉戰張黃蓋率數人往來指揮布陣敵望見倉皇走遂還營

諭諸將曰今夜敵兵必遁我左翼四旗護軍可至右翼汛地排列右翼四旗護軍及騎兵蒙古兵前鋒兵俱比翼排列直抵海邊各固守汛地敵兵之遁

者有百人則以百人追之有千人則以千人追之如適兵衆多則躡後追擊直抵塔山是夜初更明總兵吳三桂王棟等率馬步兵由沿海潛遁

上命於松山設兵遮擊又分兵於塔山小凌河口杏山四面截擊明兵竄走彌山遍野死者不可勝計乃

命睿郡王多爾袞武英郡王阿濟格進圍塔山以大礮攻克四臺斬守備二員都司一員生擒臺內

副將叅將都司等官

上移營松山令環城掘濠困之明總兵曹變蛟率乳  
峯山馬步兵欲突圍出犯我鑲黃旗汎地者一  
正黃旗汎地者四並為我軍擊却曹變蛟中創  
奔還松山獲其大小礮位軍械無算

上命伏兵於高橋大路及桑噶爾齊堡以截杏山逃  
兵果有敵兵千人遁往伏兵敗之追至塔山多  
所斬獲比還



上親率軍至高橋東

命貝勒多鐸率精兵設伏以待明總兵吳三桂王樸等自杏山將奔寧遠我前鋒軍見之自杏山西追擊至高橋伏兵四起阻截前路追兵復躡後殲其潰卒吳三桂王樸僅以身免越三日又

命內大臣塔瞻等往高橋設伏遇杏山潰兵悉殲之通計斬殺敵衆五萬三千七百八十餘獲馬七千四百四十有四駝六十有六甲冑九千三百

四十有六。明兵自杏山南至塔山，赴海死者浮尸多如鴈鷺。時總督洪承疇巡撫邱民仰及總兵王廷臣、曹變蛟、祖大樂等在松山圍城。中現兵不過萬餘，糧草悉絕。我軍復掘外濠困之，各路潰竄，兵未有成隊逸出者。九月

上自松山西南移至城西北駐營。

命鄭親王濟爾哈朗、貝勒杜度、阿巴泰管旗大臣譚泰等圍守錦州。郡王阿達禮、貝勒多鐸、羅洛宏

圍守松山外藩科爾沁親王武吉 百郡王滿珠

什哩等圍守杏山向橋

車駕還盛京後五日

勅諭諸王貝勒令周視錦州松山所濬濠塹翼日明  
松山城內外馬步兵全出犯我鑲黃旗漢軍汛  
旋擊敗之斬千級獲礮五十七甲胄軍械四百  
餘冬十月

命鎮國將軍阿拜率兵往錦州南乳峯山駐營

命孔有德尚可喜等率本部將士及耿仲明沈志祥  
所屬將士往錦州駐營並

勅諭王貝勒等圍困錦州松山十一月復

命睿郡王多爾袞等駐防錦州肅郡王豪格等駐防  
松山俱

授以戰守方略十二月松山城內明總督洪承疇以  
兵六千夜犯正紅旗護軍及正黃旗庫魯克達  
爾漢營我軍射却之斬四百餘人敵兵退走松

山城門閉不得入。兩日間收服二千餘人。敵從杏山宵遁。伏兵追斬五百七十餘人。諸王等以捷。

聞七年二月。明松山副將夏承德自城內遣人密約我軍。乘夜豎梯登城。許為內應。且以其子夏舒為質。時肅郡王豪格、郡王阿達禮貝勒、多鐸、羅洛宏等分撥左右翼及八旗雲梯各一。隨往夜豎梯於城南面。令驍勇先登。眾繼之。比明。敵方

覺遂克松山城生擒明總督洪承疇巡撫邱民  
仰總兵王廷臣曹變蛟祖大樂遊擊祖大名祖  
大成總兵白廣恩之子白良弼等殲其兵道一  
員副將十員遊擊都司守備千把總等官百餘  
員兵三千六十三名夏承德部下男婦幼穉來  
歸者一千八百六十三人又俘獲一千二百四  
十九人甲冑軍械一萬五千有奇礮位鳥鎗共  
三千二百七十有奇金銀珠緞無算大凌河各

官有親屬在彼者令察出完聚明總督洪承疇  
總兵祖大壽之弟祖大樂解送盛京誅巡撫邱  
民仰總兵王廷臣曹變蛟三人縱祖大成還錦  
州三月明寧遠總兵吳三桂白廣恩及祖大壽  
之子率兵四千駐塔山窺我營武英郡王阿濟  
格等遣兵分路迎戰斬獲各百數十人大軍圍  
困錦州自六年三月掘濠防戍至是一年明援  
兵俱絕城內糧盡人相食祖大壽戰守計窮又

聞松山已失遣使詣鄭親王睿郡王約降許  
請盟誓不許羈來使一人遣一人歸報大壽  
乃率衆官出城至軍前叩首乞降諸王即日  
兵入城馳使奏捷

上諭祖大壽部下人悉與留養克松山時所獲祖  
樂祖大成令隨往錦州全活總兵以下至都  
守備等官男婦幼穉共三千四百三十八人  
俘獲四千八百九十有奇四月鄭親王睿郡



肅郡王等率將士各載火器至塔山城列礮  
日進攻燬城二十餘丈我軍悉登遂克其城  
內三營官屬兵丁共七千盡殲之諸王等馳  
具奏俘獲塔山人口及牲畜財貨

上命移城中積聚平其城鄭親王等移師攻杏山  
列礮於城北攻其臺克之復於臺前列巨礮  
燬城垣二十餘丈我軍將登城衆官開門至  
叩首降籍投順官民及俘獲男婦幼穉駝馬

穀軍械等數奏入

諭以杏山歸順官屬兵丁送盛京安插士民等於蓋  
州將城中積聚軍械移貯錦州亦拆毀其城分  
遣諸王貝勒率將士兵丁駐防錦州松山塔山杏山  
等處鄭親王濟爾哈朗及諸王等率護軍還盛  
京五月

上御崇政殿命就擒松山總督洪承疇錦州總兵祖  
大壽等朝見洪承疇祖大壽咸畏罪不敢遽入

跪大清門外承疇奏云臣明國主帥將兵十三萬來援錦州曾抗

大兵

聖駕一至

天威震懾全軍盡覆城破被擒自分應死蒙

皇上不殺而恩養之令臣朝見臣自知罪重不敢遽入總兵祖大壽亦跪奏云臣之罪與洪承疇不同臣有數罪皆當死臣昔困於大凌河糧盡待

斃計窮而降即蒙

皇上待以不殺並令臣招降妻子兄弟宗族放還錦  
州臣不惟負恩不降且累與

大兵對敵今又糧盡困迫方出歸順理應萬死

上諭洪承疇曰汝所陳誠是但彼時與我交兵各為  
其主朕豈介意朕所以赦爾者以殺敗十三萬衆  
得松錦諸城皆天也天道好生朕活爾爾當念朕  
恩盡心事朕

諭祖大壽曰爾先背我一則為爾主一則為爾妻子  
宗族耳然獲汝不殺者料汝久困必來歸降朕亦  
決不加誅既往不咎此後當竭力以報則善矣餘  
俘獲諸臣各陳罪狀請死

上悉宥之乃

召洪承疇祖大壽等殿內賜茶皆感激垂涕叩首以  
出是役也

上以旬日間破明松山兵十三萬擒其總督總兵大

員及將領數十人於是錦州塔山杏山各城守  
勢如破竹不數月相繼下山海以東盡為我有  
且

聖德如天

神武不殺不特待諸降臣以不死而

恩誼所加賚予爵秩其後諸降臣亦能各效其用

大聖人開誠布公仁育義正所由誕膺

景命垂佑靈長也予小子於乙卯秋九月三日蒙

恩晉封皇太子丙辰元旦

授璽太和受古今未有之

殊恩承

列聖締造之大統每思

開創之維艱益凜守成之不易默存

天命之難謚民畧之可畏居安思危臨深履薄觀川

原之渺漠撫戰壘之依稀今時緩策康莊即昔

日

文皇躬乘二白

親總六師櫛風沐雨之地

艱難肇造垂裕後昆

孫臣

蒙業而安實深感慕敬惟

太祖一戰而王基開

太宗一戰而帝業定重申

皇考書事之

貽謀永綏我大清億萬斯年無疆之統緒敬告後人

欽承勿忽故誌

款臣永理敬書鈐印二臣理



鑒藏寶璽

全五璽

寶笈三編嘉慶御覽之寶毓慶宮

寶

成親王書

御製賜成親王五十壽辰詩一卷

本幅蠟牋本縱一尺橫三尺八分楷書

御製詩

仲春六日。成親王五十壽辰詩以賜之。山莊

扈

蹕風隨肩。課藝談心。憶昔年孝弟性成。徵福壽忠清

志篤益恭虔。籌開五十潢源遠。算紀三千海屋

延詔晉齋中綿世澤曾元繞膝祝如川執臣永  
理奉

勅敬書

附恭和

奉職朝端仰

佛肩荷蒙

殊錫引長年小心永矢為臣敬

恭瞻御筆對  
聯有小心多福引

年長  
之句舊事悲思

拜佛處

臣伏念在  
上書房時每遇生

拜佛後行禮

書室名微

天藻及

山莊

恩厚歲華延葵忱深祝靈臺奏即日佳音靖陝

臣永理恭和鈴印二臣永理

引首

錫慶延賡

臣

董誥敬題鈴印二臣誥

鑒藏寶璽

五璽

寶笈三編嘉慶御覽之寶

[illegible]

綿億畫宜春呈瑞一軸

本幅紙本縱二尺六寸三分橫一尺一寸一分設色畫一瓶插松竹梅花長春旁綴水仙百合朱柿安榴如意款臣綿億恭繪鈐印二臣綿億敬畫

御題楷書

吉語拈題應歲朝玉梅香色筆端描凌波斜倚春先報百合清平鳳律調嘉慶壬戌新正御題

鈴寶二嘉慶

鑒藏寶璽

金五璽

寶笈三編

陳書花草寫生 一卷

本幅紙本。縱六寸三分。橫一丈三尺六寸五分。水墨畫四季花卉。款仿白陽山人花草三十種。女史陳書。鈐印三。女史陳書補。絢品在濟尼口中。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編



--	--	--	--	--	--	--	--

梁詩正臨王羲之楷帖二種 一冊

本幅紙本摺裝二十五幅皆縱四寸六分橫五寸六分臨王羲之楷書佛遺教經黃庚經不錄款乾隆歲在己卯春三月臣梁詩正敬臨於丹陽舟次鈐印二臣梁詩正補拙莫如勤

冊內鈐

高宗純皇帝寶璽乾隆御覽之寶 一重

鑒藏寶璽

五璽

寶笈三編

董邦達畫山水一冊

本幅紙本。摺裝八幅。皆縱六寸八分。橫一尺三寸五分。水墨畫。一山村新雨。二谿岸疏林。三平隄秋水。四峭石烟林。五高樹幽居。六清溪遠岫。七林泉深樹。八蘆港漁舟。款臣邦達。恭繪。鈐印二。臣邦達。

鑒藏寶璽

全五璽

寶笈三編嘉慶御覽之寶毓慶宮

寶

[illegible]

于敏中臨宋四家帖 一冊

〔本幅〕紙本。摺裝八幅。皆縱六寸九分。橫一尺三寸五分。真行草三體書。皇華使者臨清晨。手開寶軸香煤新。公名與字發深意。宸毫灑落奎鉤文。精神高遠照日月。勢力雄健生風雲。混然器質不可寫。乃知學到非天真。絨藏自語價希代。誰顧四壁嗟空貧。臣聞帝舜優聖域。皋陶大禹為其隣。吁。俞。敕。戒。成。典。要。垂。

覆後世如穹昊陛下仁明加舜禹豪英集用  
司鴻鈞臣襄材智最驚下豈有志業通經綸  
獨是丹誠抱忠朴常欲贊奏上古珍又聞孔  
子春秋法片言褒貶賢愚分考經內省莫能  
稱但思至理書諸紳乾坤大施入洪化將圖  
報効無緣因誓心願竭謨謀義庶裨萬一唐  
虞君麗正之拜禁林有嫌馮當世獨以金  
華召亦不須玉堂唯此之望霜風薄寒伏惟

愛重不宣。襄上彥猷侍讀閣下。謹空右。蔡襄。  
東坡先生未歸時。自種來禽與青李。五年。  
不踏江頭路。夢逐東風泛蘋芷。江梅山杏為。  
誰容。獨笑依依臨野水。此間風物君未識。花。  
浪翻天雪相激。明年我復在江湖。知君對花。  
三歎息。僕去黃州五周歲矣。飲食夢寐未。  
嘗忘之。方請江湖一郡。書此一詩。寄王文父。  
子辯兄弟。亦請一示李樂道也。 甫郭堂成。



蔭白茆。緣江路。勢俯青郊。檀林礙日。吟風葉。  
籠竹和煙。滴露稍。斂下飛鳥。將數子。頻來語。  
燕定新巢。旁人錯比楊雄宅。懶墮無心作解。  
嘲。蜀中多檀木。讀如散灰之散。散材也。獨  
中新耳。然易長。三年乃拱。故子美詩云。飽聞  
檀木三年大。為致溪邊十畝陰。凡木所託。其  
地則瘠。唯檀不然。葉落泥水中。輒腐能肥田。  
甚於糞壤。故田家喜種之。得風葉聲發發如。

白楊也吟風之句尤為紀實云籠竹亦蜀中  
竹名也右蘇軾松風閣依山築閣見平川  
夜闌箕斗插屋椽我來名之意適然老松魁  
梧數百年斧斤所赦今參天風鳴媧皇五十  
弦洗耳不須菩薩泉嘉二三子甚好賢力貧  
買酒醉此筵夜雨鳴廊到曉懸相看不歸卧  
僧檀泉枯石燥復潺湲山川光輝為我妍野  
僧早饑不能飽曉見寒溪有炊煙東坡道人

已沈泉張侯何時到眼前。釣臺驚濤可晝眠。  
怡亭看篆蛟龍纏。安得此身脫拘攣。舟載諸  
友長周旋。洛陽雨霽風塵息。殘星散落天。  
一碧紅輪忽上海。東頭仰天笑墮驢兒脊。飄  
然拂袖入深山。雲霞滿座青螺鬟。下垂鐵鎖  
幾千尺。昂首震掉愁躋攀。世人但見先生睡。  
那識睡中有真味。飛昇黃白豈足汙太極。先  
天乃其至。嗚呼先生似隱非隱似仙非仙胸。

蟠造化學究淵源先生去此五百年典刑凜  
凜青山巔右黃庭堅將之茗溪戲作呈諸  
友襄陽漫仕散松竹留因夏溪山去為秋久  
賡白雪詠更度采菱謳縷玉鱸堆案團金橘  
滿洲水宮無限景載與謝公遊半歲依脩竹  
三時看好花懶傾惠泉酒點盡壑源茶主席  
多同好羣峯伴不譁朝來還蠹簡便起故巢  
嗟好懶難辭友知窮豈念通貧非理生拙病

覺養心功小。圓能留客。青冥不厭鴻。秋帆尋  
賀老。載酒過江東。仕倦成流落。遊頻慣轉蓬。  
熟來隨意住。涼至逐緣東。入境親疎集。他鄉  
彼此同。暖衣兼食飽。但覺愧梁鴻。旅食緣交  
駐。浮家為興來。句留荆水話。襟向卞峯開。  
過剡如尋戴。遊梁定賦枚。漁歌堪畫處。又有  
魯公陪。蜜友從春拆。紅薇過夏榮。團枝殊自  
得。顧我若含情。漫有蘭隨色。寧無石對聲。却憐

皎皎月依舊滿船行右米菴款臣于敏中  
敬臨鈴印二臣于敏中印報國文章

鑒藏寶璽

全五璽

寶笈三編毓慶宮寶嘉慶御覽之

寶



朱珪自書登泰山詩一卷

本幅紙本縱七寸七分橫三尺七寸四分楷  
書登泰山詩一百韻岱惟嶽之宗仰止心所  
嚮使聞此經過偕友愜賡唱策馬出北門遙  
青疊高嶂憇麓易山輿階升初用壯橫肩候  
左右猱捷絕牽榜盤道節土覆龍媒引  
天仗積雷所衝齧缺齧或礙妨斗宮暫徘徊聽泉  
清輶賞水簾噴珠綃。纓絡曳澗瀼遂躋壺天



閣超然凌蓬閣天關轟迴馬不待九虎抗連  
連十二盤呀喘喝且煬息肩慰輿人聚足賴  
筇杖直闕第二門霄半得皋閑役夫爭噉嚼  
笑乏青精餉踰此翻迤邐屈折迷背向脈轉  
羊腸夷峽度龍脊盤豁硤瞰石厂漱滴沁肝  
臟歛奎伏而起有坪曰御帳宋真宗駐蹕處銀漢倒  
淙淙太白浩沆碭佇立棧閣間洗耳胸已盪  
吐哉五大夫非秦亦輩行暴能赭君相名恐

悞博浪何方石飛來風怒根可颺朝陽洞悶  
血呼喻谷神旺其北對松山鱗甲萬虬張九  
鈞奏琴祝鸞翠舞匝柝龍門何豁開口吐千  
里漲仰攀十八盤萬仞壘敦養跟頂相乘承  
蹭蹬一夫當霄然壯天門凌兢御風愴指點  
日月觀已出恒星上左達徑天衢榆列喜平  
曠樞衣趨靈宮元君世崇尚或云古玉女道  
成超無量或云坤為母富媪倪天伉我疑岱

天孫雲車肅臨况更上謁嶽祠升中誰所勑  
七十二代君於此奠圭瑒其陰磨崖銘雷礪  
斫大匠典則燕許筆螭匾體跌踢宋礧苦糝  
糊天書實欺誑煌煌我

列聖照曜萬禩仰雄辭高岫嶺盛禮秩柴望何用誇  
鷁鰈四極闢輪廣右款青帝宮像設窈窕狀  
東方靈威尊太皞木德王如何名實舛九蓮  
移供養再上玉皇峯俯視萬屏障手摩無字

碣屹立誰敢傍李斯篆已焚漢武石或諒殿  
前岱頂髻哭兀睇真相蓮花開蕊瓣四處甘  
露釀一勺舌本清泥丸吸瀝沆東南望滄浪  
杯水瀉容漾西下禮

先師匹練瞭軋垓躋哉小天下壤土畚不讓復  
登禮斗壇長空想梵放諸峯一環眺欲蠟屐  
幾緬洞天與福地疇能罄寶藏西南得面勢  
已扼青鳳吭泮汶交如帶東匯西流義云亭

近師師衡華遠將將豈惟齊魯青自覺垓埏  
暢山蔬鬻金針真味却藉醬餘興探險奇捫  
蘿勇一迂倒景正瞳矐翔乙交頡頏誰鞭飛  
仙橋嵌空造虛舫縈縈一縷雲幻出泝泝統  
團團簷蔔香不比青草瘴燎竹穿氤氲逸氣  
獨侗儻齋个一燈明擁衣夢靈貺忽驚大塊  
噫飈輪掀萬兩雷電移龍湫滂沱裂天創傾  
瓢滴青驄下界愁隄防浴暎闕壯觀待旦增

怡悵雨息尚淋鈴療寒啐濁醢及下萬丈強  
翻令魂魄喪狂奔無地底性命惴臨壙瀑濤  
倍呼洶一鼓萬壑脹出麓陟仙樓回首意悵  
悵聯鑣驅款段相視笑無恙入城拜下宮巍  
哉宜灌壺稽首神聽壺敢祈福无妄旋紐蚪  
屈鐵寄生虎掛韞唐槐擘枝撐漢柏森骯髒  
聖筆貌交柯神守敢窺掠歸然石幢古羸劉嗟莫訪  
茲游藉賢主夙願快已償太守昌黎宗

韓名龍震

循令江夏亢

黃名銓

贈我開元搨展讀倦僕快

未聞鴛鴦趺難辨白羸羸瞥眼多掛漏紀蹟

徒冗長題名從伊川濟勝追家兄

竹君兄庚寅使閩亦

登岱也

久留羨碧樓遶去畏官謗憶昔祠祝融

雲海覽激宕行指仙霞峻且擊吳越榜舊游

重涉獵浩歌助慨忼披文揆幽潛銘心據直

讀良無南山才聊取識遺忘無款鈴印二臣

珪

前幅

御識余幼喜讀子美北征詩退之南山詩喜其敘  
事婉轉神彩飛揚自謂駕馭千古無出其右者  
今見此詩快人心目如百顆驪珠玉繩直貫無  
一句不精妙無一字不妥帖誠近世詩人所不  
能可與韓杜二公之作齊驅並駕矣皇十五子  
跋

後幅成親王題跋



引重鼎不程其力者。謂之神勇。舉大題不見其勞者。謂之高文。此詩不獨語盤字練已到。昌黎佳處。即清淡處。亦無些子鬆懈。由積力素厚也。讀之令人心驚。皇十一子跋。

題籤

御書石君登岱詩卷

鑒藏寶璽

全五璽

寶笈三編

董誥春溪樂意圖 一卷

本幅紙本縱六寸七分橫七尺二寸五分設  
色畫山水自題春溪樂意隸款臣董誥敬繪  
鈐印二臣誥

鑒藏寶璽 五璽寶笈三編

[illegible]

戴衢亨畫山水一卷

本幅紙本縱六寸五分橫四尺一寸三分設  
色畫溪山積雪款臣戴衢亨恭畫鈐印二臣  
戴衢亨恭畫

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽五璽寶笈三編



戴衢亨畫山水一卷

本幅紙本縱六寸五分橫四尺一寸三分設  
色畫林巒花徑款臣戴衢亨恭畫鈐印二臣  
戴衢亨恭畫


卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編



沈初周興岱書董誥關槐畫四冊

本幅紙本摺裝四冊每冊八幅皆縱五寸橫  
一尺八寸一分

第一冊沈初臨蘇軾帖軾啓新歲未獲展慶  
祝頌無窮稍晴起居何如數日起造必有涯  
何日果可入城昨日得公擇書過上元乃行  
計月末間到此公亦以此時來如何竊計上  
元起造尚未畢工軾亦自不出無緣奉陪夜



遊也。畫籠旦夕附陳隆船去。次此中有一鑄  
銅匠欲借所收建州木茶臼子并椎試令休  
樣造看。兼適有閩中人便或令看過。因往彼  
買一副也。乞暫付去人專峻護便納上。餘寒  
更乞保重。冗中恕不謹。軾再拜。李常先生丈  
閣下。正月二日。京酒一壺送上。孟堅近晚  
必更佳。軾上道源兄。道源無事。只今可能  
枉顧。啜茶否。有少事須至面白。孟堅必好安。

也。大人令致懇為催了禮書事。冗未及上  
問。昨日得寶月書。書背承批問也。令子監簿  
必安勝。未及脩染。別牋累幅。豈堪英俊如  
此。責望耶。少年應科目時。記錄名數。沿革及  
題目等。大畧與近歲應舉者同耳。亦有少節  
目文字。便被舉主取去。今皆無有。然亦無用  
也。實無捷徑。必得之術。但如君高才強力。積  
學數年。自有可得之道。而其實皆命也。但卑

意欲少年為學者每一書皆作數次讀書之  
富如入海百貨皆有人之精力不能兼收盡  
取但得其所欲求者耳故願學者每次作一  
意求之如欲求古今聖賢作用且只作此意  
求之勿生餘念又別作一次求事迹故實典  
章文物之類亦如之他皆倣此此雖迂鈍而  
他日學成八面受敵與涉獵者不可同日而  
語也甚非速化之術可笑可笑承下問故不

敢不盡軾又上 軾啟近者經由獲見為幸  
過辱遣人賜書得聞起居佳勝感慰兼極忝  
命出於餘施重承流喻益深愧畏再會未緣  
萬萬以時自重人還冗中不宣長官董侯閣  
下 軾啟使至伏辱賜教眷待有加感慰無  
量仍起居清佳治行有日併增欣抃軾蒙庇  
如昨既獲所依願受一廛而為氓矣餘非面  
莫究漸暄萬萬若時自重謹奉手啟上謝不

宣軾再拜南圭使君閣下 近却作小詞雖

無柳七郎風味亦自是一家數日前獵於郊  
外所獲頗多作得一闕令東州壯士抵掌頓  
足而歌之吹笛擊鼓以為節頗壯觀也 道  
子畫聖也出新意於法度之中寄妙理於豪  
放之外蓋所謂游刃餘地運斤成風者耶東  
坡居士告史全叔智者創物能者述焉非一  
人而成也君子之於學百工之於技自三代

歷漢至唐而備矣。故詩至於杜子美。文至於韓退之。書至於顏魯公。畫至於吳道子。而古今之變。天下之能事畢矣。道子畫人物。如以燈取影。逆往順來。旁見側出。橫斜平直。各相乘除。得自然之數。不差毫末。蓋古今一人而已。余於他畫。或不能必其主名。至於道子。望而知其真偽也。如全叔所藏平生蓋一二見而已。元豐八年十一月七日書。款蘇軾九帖。

臣沈初敬臨鈐印二。臣初。

第二冊周興岱臨米帖帶江萬里十郡百邑  
繚山為城臨流為隍者惟吾丹徒重樓參差  
巧若圖利地靈極倪而雲氣出沒星辰挂腹  
而天光不夜高三景小萬有者惟吾甘露東  
北極海野西南朝數山者謂之多景然臺殿  
羽張竈諸中盤五州之後與西為阻若夫東  
眺京岷西極棲霞平林陂陀淮海之域遠岫

隱見滁泗之封洪流東折白沙之雲濤如綫  
大磧南絕中泠之巔巔蔚起筆山之隙岩堯  
雙聳五州之外增峻千疊黃鸝寶玦珠捧於  
豆長山異氣龍轟于天晨曦垂虹時媚于左  
長庚纖月每華其右千林霜落萬嶺雪曉春  
羣于西郭而秋留于南巖者惟吾淨名天下  
佳山水固多矣在東南則杭以湖山障其境  
洪以西山彌其望潭以岳麓周其區皆山也



而望兩邦逖窮荒迢遙發周羽皇之歎者有  
之矣百川匯流而赴北既濬既淵亦沃亦蕩  
也西山引領而趨東且列且驅各羣各醜也  
吾齋在萬井之中半天之上乃右卷而左揖  
焉此其所以得山川之多而甲天下之勝也  
至若水天鑑湛而博望弭檣葭葦根鳴而簷  
何投餌洪鐘動而飛仙下疾颺舉而連山涌  
地祇聽法水怪効珍或鵬雲壓山海氣吞野

織雲漏月清籟韻松。兜羅密而靈光生。陰霧  
合而大霆走。瑰奇惚恍又不可得而詳言之。  
襄陽米元章將卜居丹徒。而仲宜長者道相  
契。會蔣穎叔以詩寄云。京城汨汨興如何。歸  
棹翩翩返薜蘿。盡室生涯寄京口。滿牀圖籍  
鑱岩阿。六朝人物東流盡。千古江山北固多。  
為借文殊方丈地。中間容取一維摩。於是名  
公以其末句命名。予居亦冀公之與予同此。

樂也予無佳句壓其勝後之登吾齋攬吾勝者得不為吾賦之乎比苗幕過道從輿衛於琅琊之間為泉石之樂恨不接遊跼也滁天下佳山水且少過客諒稱高懷正恐賜環在邇不能久彼留也弊邑幸歲豐無事足以養拙苟祿無足為者然明公初當軸當措生民於仁壽縣令承流宣化惟日拭目傾聽徐與含靈共陶至化而已李重光作此等

紙以供澄心堂用其書不一以池州馬牙磬  
漿者為上品此乃饒紙不入墨致字少風神

李太師收晉賢十四帖武帝王戎書若篆

榴應作

謝安格在子敬上真宜批帖尾也余

收張季明帖云秋氣深不審氣力復何如也

真行相間長史世間第一帖也款米芾五帖

臣周興岱敬臨鈐印二臣興岱敬書

第三冊董誥仿古山水水墨設色相間一疊

嶂松泉二春江待渡三繞郭雲山四烟林策  
杖五溪山風雨六秋江遠眺七石峽飛濤八  
江村秋穫款臣董誥恭畫鈐印二臣誥

第四冊關槐仿古山水設色畫一桃源春曉  
二松林樓閣三晚春綠野四密林含雨五桐  
陰玩月六山邨紅樹七鶴艇秋泛八山館圍  
爐款臣關槐恭繪鈐印二臣槐

鑒藏寶璽

全五璽

寶笈三編嘉慶御覽之寶執兩用

中  
同  
四  
冊

[illegible]